

弟子西北向九拜除去千劫生死之罪

靈寶九幽長夜起尸度亡玄章

洞玄靈寶六甲王女上宮歌章

甲子太玄宮左靈飛玉女歌章曰

太玄洞清虛 玉氣映高靈 員華翳九象
綠梵曜飛青 益落雲迴際 流香燔丹瓊
碧鳳策朱轡 匡駕宴雲營 任我無色內

懽我天地生 迴輪三素朗 乃拯不窮齡

歷運順化會 氣與四常并 空洞中有真

誰測太玄名 虛映有懷子 迴真降爾形

取契同默念 棄眾惧外營 積感入太虛

太虛降綠鞞 遊宴常陽宮 飛步登玉清

徘徊九崖際 進禮玉皇庭 左輪朱月華

右引豁落星 三景齊大暉 豈覺天地傾

甲戌黃素宮左靈飛玉女歌章曰

黃素洞幽虛 神光煥太空 蜚廉太元一

勢契十真雙 靈運自冥紀 玄記故有明

玉虛曜瓊室 金暉發丹容 朱鳳策神轡

徘徊上清宮 玄映無色內 解衿宴常陽

五帝啓靈途 妙訣歸黃房 神暢感寂庭

默思徹九重 靈歌理冥運 百和結成章

高曠通妙趣 以啓不窮方 有得無上道

項負圓寶光 玄玄歸妙門 入一萬真通

體我自然道 乘虛不待龍 三元降飛鞞

流雲迴紫黃 騰景空霄上 宴饗朝玉皇

甲申太素宮左靈飛玉女歌章曰

太素澄清漢 浩靈分九流 道生太元一

化爲天地珠 虛映高上報 頽下忽云無

五嶽自可舍 未若九天衢 時宴常陽宮

策雲御鳳軀 飛輪翳空洞 紫烟玄相扶

逍遙重虛上 迴目眇八周 億椿在俄頃

豈覺萬劫遊 階樂隨運還 保真無終休

聊各有志道 靜寂思相求 積微感自然

剋得御丹符 身入無患津 體懽心自娛

乘空迅飛雲 仰結高仙儔

甲午絳宮右靈飛玉女歌章曰

絳宮玄上道 洞陽煥太真 丹靈映瓊室

交風迴紫烟 八氣翳重虛 流香拂飛塵

龍鳳矯雲翮 神騁有無間 遊朗眇十方

乘虛樂九玄 靈運本非我 道由高上人

冥化自有數 我真法自然 妙曲發空洞

宮商結成仙 靈飛演道源 以悟後學身

虛映呈清寂 默思自入神 我降自有由
且令停華年 道滿運飛興 騰身昇九天

甲辰拜精宮右靈飛玉女歌章曰

拜精隨重虛 靈素降清陽 右部齊真景
錦被飛羅裳 頽雲映華衿 朱采透玉容

策鳳御玄轡 冥真常陽宮 遊徊慶宴上

流眄六合房 曲降修我者 啓靈悟童蒙

運得應自然 道成非我功 精思虛朕真

剋得朝玉皇

甲寅青腰宮右靈飛玉女歌章曰

青腰生道根 陽始號惠精 總鑒玄上氣

右部統三靈 離合八景運 遊化無滯停

微微極洞元 翳翳九虛清 中有妙靈女

上錦下飛青 乘虛策朱鳳 迅駕奔五星

迴風流香華 紫霄翼飛瓊 攜契上仙客

解袪九鳳城 妙曲空中唱 玉音互自鳴

宮商玄相和 玄化無際生 有能究此章

一誦懽萬齡 西宮結元錄 東華記仙名

率我常陽友 曲真降雨形 積修感玄會

三元降綠軒 騰景飛霞上 進禮太帝庭

洞玄靈寶六甲玉女上宮歌章



上清侍帝晨桐栢真人真圖讚 卷六

天台 雲司馬承祜錄

夫得道成真有隱有顯躋神化質多術多途
大茅君辭親入嶽仙業備而歸來坐致林與
白日輕舉高丘子解形避世丹藥就而不返
行馭龍鶴遊景潛昇見靈妙者以獎諸道學
之勤混跡焯焯者以息其生離之望或命分有
照冥之異事不可違或性樂有語默之殊理
從自適古仙出處兼此顯晦時人記傳罕能
詳測故迹有再三述有前後會通機變方知
至妙焉桐栢真人王君即周靈王之太子子
晉也按史記云太子聖而早卒據列仙傳曰
隱而登仙兩說不同蓋有由矣司馬公述手
國史劉子政驗以道書國史載其前卒之蹤
道書著其後仙之事真仙相反尚見異於同
時彼我相違況與懸於數紀且其特稟靈氣
已積習於前生假孕人胎暫應身於此世幼
而通聖是習性之久也誕而有髡是身貌之
昔也鍊神入微謫仙促限知賓帝之一舉期
師曠於三載說賓帝乃冲形之旨豈肯沈魂